



La Savla e Gavla classa, cul selvicultur Robert Lang (sen.) ed ils scolasts Svenja Tuor ed Andriu Hosang (dretg).



Ils affons han empriu d'enconuscher il füssè cun sigir.

# Futurs pigneuls lumnezians

En ina spunda ella vischinonza dalla porta da Porclas han varga 50 affons e giuvenils dalla primara e scalem superiur dalla scola Lumnezia plantau giuvens truscals. Igl ei ina cultura speciala. En sis siat onns ein quels carschi ed ins sa duvrar els sco pigneuls da Nadal.

AUGUSTIN BEELI/FMR

Savens discuo'rs oz dalla persistenza, dallas vias cuortas da products, da consuments cunscienzius e dil crear atgna valur. A quei motto ei l'acziun dallas scolas dalla Lumnezia dedicata. «L'idea ha in da nos luvrers comunals giu. Ed ussa realiscin nus quella», ha Robert Lang, il selvicultur dalla Lumnezia, puntuau. Quei ei pusseivel cun agid dallas scolaras e dil scolars dalla vallada.

La finala eis ei in project persistent che survescha ad els ed alla populaziun. Il pigniel da Nadal ei ming'onn in artechel da consum per in cuort temps. Quei requisit s'auda en minga stiva. Tenor Wald-Schweiz, l'organisaziun naziunala dalla bransch forestala, vend'ins ming'onn biechein 1,7 milliuns pigneuls da Nadal. La mesadad da quels vegnan importai.

## Ina surfatscha tgunsch accessibla

«Noss'acziun ei pintga, mo exemplarica», ha Robert Lang remarkar ier d'ront la lavur ella spunda teissa. L'jamna avon las vacanzas da primavera prestan il scalem superiur e la primara dalla sco-



Per ina cultura sistematica ston ins stender la corda.

la dalla Lumnezia ina lavur cumina per in project persistent. Finamira eis ei ch'ei dat en zacons onns ina surfatscha tgunsch accessibla nua che la visch- naunca sa raccoltar agens pigneuls da Nadal. Quei fa ella dil reminent gia da-

pi biars onns. Denton cun grondas stentas e fadigias. Il selvicultur ed ils luvrers comunals ston adina ir da péz a cantun per encurir, tagliar e rimnar truscals adattai. Ei dat negina cultura speciala e concentrada da pigneuls da Nadal.



Cun precauziun plantan ellas il pign truscal.

FOTOS AUGUSTIN BEELI

Grazia all'acziun da quest'jamna dallas scolas vegn ei ad esser pusseivel da raccoltar en zacons onns pigns pégnis lumnezians. Per la cultura ha il selvicultur Robert Lang elegiu ina spunda surcar- schida davos la deponia da Sanetsch,

pauc naven dalla via lumneziana e datter dalla porta da Porclas. Scolaras e scolars dil scalem superiur han prepara- u la surfatscha, han tagliau caglias e vegetaziun che savessen concurrenzar ils pigns truscals.



**Enea Bundi, Degen**

Quella lavur plai a mi, perquei ch'jeu sai ch'igl ei in'acziun speciala. Il selvicultur ha getg ch'ins plonti ferg paucs pégnis. Nus plantein pigneuls da Nadal, ch'ins sto pli tard lu buc ir a cumprar en ina stizon gronda. Igl ei propi pigneuls lumnezians. En in pèr onns mondel jeu forsà a mirar co els ein carschi.



**Toni Andri Derungs, Surcasti**

Jeu hai era gia gidau da far lavurs d'uaul, da trer ora ragischs e mesirar giu. Plantar uaal ei per mei zatgei niev. Jeu capeschel che nus fagein oz in'acziun speciala che fa senn. Igl ei ina ch'is bostgers fan ferg pauc, lezs resgian e raccoltan lenna. Nus plantein pigneuls en in liug ch'ei contonschibels bein cun vehichels.



**Livia Caduff, Morissen**

Quei che nus fagein oz plai a mi. Perquei ch'jeu sai ch'igl ei zatgei bien, ins sa pertgei, e quei motivescha. Nus plantein pigneuls da Nadal ch'ins sa pli tard tagliar e duvrar direct en nossa vallada. Nus havein era a disposiziun buns uaffens. Quels ei in tec grevs, mo ei va tuttina bein da cavar las ruosnas.



**Cedric Caduff, Morissen**

Jeu hai era gia luvrau egl uaal cun miu bab. Plantau havein nus era gia, denton buca pégnis giuvens, mobein enfiarlas da malèrs. Il selvicultur Robert ha declarau a nus il senn da quell'acziun dad oz. Igl ei special da saver ch'ei crescha pigneuls da Nadal ella plaunca sut la deponia da Porclas.